



ҚАЗАҚСТАН РЕСПУБЛИКАСЫНЫҢ ҰЛТТЫҚ БАНКІ

№ 038 БАСПАСӨЗ РЕЛИЗИ
2005 жылғы 29 қараша

«Жоғары экономикалық өсу кезеңдеріндегі қаржылық тұрақтылықты сақтау» халықаралық конференциясы туралы

2005 жылғы 28-29 қарашада Алматы қаласында «Жоғары экономикалық өсу кезеңдеріндегі қаржылық тұрақтылықты сақтау» халықаралық конференциясы өткізілді.

Конференцияны Қазақстан Ұлттық Банкі және Халықаралық Валюта Қоры ұйымдастырды.

Конференцияның жұмысына ТМД, Еуропа, Азия ұлттық (орталық) банктерінің, халықаралық қаржы институттарының (Халықаралық Валюта Қоры, Дүниежүзілік Банк, Халықаралық Есеп айырысу Банкі, Еуропа Қайта Құру және Даму Банкі) белгілі мамандары мен сарапшылары, Қазақстан Республикасы министрліктері мен ведомстволарының, сондай-ақ Қазақстан Қаржыгерлер Қауымдастығының басшылары қатысты.

Конференцияда талқылау шеңберінде қатысушылар өтпелі экономика үшін неғұрлым көкейкесті мәселелерді – жоғары экономикалық өсу кезеңінде қаржылық тұрақтылықты сақтау мәселесін қызу талқылады. Елдегі қаржылық тұрақтылық жөнінде тұтастай алғанда қаржылық жүйенің (банктердің, сақтандыру компанияларының, зейнетақы қорларының және т.б.), сондай-ақ қаржы нарықтарының (облигациялардың, акциялардың, төлемдердің) тиімді және тұрақты жұмыс істеуі куәландырады.

ХВҚ атқарушы директоры В. Кикенс мырза Қазақстанның қаржы секторы ХВҚ-ның екі миссиясының (2000 және 2004 ж.ж.) бағалауы бойынша едәуір дамығанын және «өте тұрақты» ретінде сипаттала алатынын атап өтті.

Халықаралық Есеп айырысу Банкінің департамент директорының орынбасары Маар Гудмундсон мырза Қазақстан қаржылық тұрақтылықты сақтаудың жалпыға танымал көптеген тәсілдерін белсенді пайдаланады деп есептейді. Бұл Ұлттық Қорды құруға, сол сияқты қаржылық қадағалауды және икемді ақша-кредит саясатын жетілдіруге де қатысты.

Конференцияға қатысушылар ТМД-да алғаш рет Қазақстанға инвестициялық елдік рейтингтің берілгенін атап өтті, енді ол Еуропалық Одаққа жақында кірген Шығыс Еуропа елдерінің деңгейінде болып отыр. Отандық қаржы институттарының, әсіресе екінші деңгейдегі банктердің кредиттік рейтингтері өсу үстінде. Қазақстан Даму Банкінің, Мемлекеттік экспортты сақтандыру корпорациясының және Қазақстан Ипотекалық компаниясының рейтингтері осындай ұйымдардың арасында ТМД-да ең жоғары болып табылады.

Конференцияда сондай-ақ Қазақстанның қаржы секторында жүргізілген реформалардың тиімді екендігі және ТМД-да осы қазақстандық тәжірибені қолдану мақсатында белсенді түрде зерделенгендігі атап көрсетілді.

Жалпы алғанда, өткен жылдарда Қазақстанның қаржы секторы өзінің дамуында елеулі табыстарға жетті, бұл оның тұрақтылығының дамуына, оған халық сенімінің артуына себепші болды.

Тұрақты өсуді, Ұлттық Банктің және Қазақстан Үкіметі іс-әрекеттерінің нақты келісушілігін қамтамасыз ететін экономикалық саясат қолдау тапты.

Ақша-кредит саясатының халықаралық стандарттарға одан әрі жақындауы Ұлттық Банктің орта мерзімдік кезеңге басым бағыты болып табылады. Осыған байланысты, Ұлттық Банк операциялық негізді жетілдіруге, ақша-кредит саясатының құралдары мен әдістерін оңтайландыруға баса назар аударады. Ұлттық Банктің нарықтық пайыздық ставкалар дәліздерін бақылауы осы шаралардың түпкілікті мақсаты болып табылады.

Қаржылық қадағалау агенттігінің тәуекелдерді басқару жүйелерін дамыту, әсіресе банктердің сыртқы экспансияны кеңейтуді және сыртқы қарыз алып пайдалануды, меншік иелері құрылымдарының айқындылығын қамтамасыз ету жұмысы жалғасатын болады.